

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst ("Službene novine Zeničko-dobojskog kantona", broj: 7/10) na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona, na 43. sjednici, održanoj dana 14.02.2020. godine, donosi

ZAKLJUČAK

I.

Prihvata se Mišljenje Ministarstva za rad, socijalnu politiku i izbjeglice o Inicijativi za uvođenje kategorije samozaposleno lice i postupka izmjene Zakona o radu („Službene novine Federacije BiH”, broj: 26/16 i 89/18), koju je podnijela Sanja Renić poslanica u Skupštini Zeničko-dobojskog kantona.

II.

Zaključak sa Mišljenjem iz tačke I. ovog zaključka upućuje se u dalju skupštinsku proceduru.

III.

Zaključak stupa na snagu danom donošenja.

PREMIJER

Mirza Ganić

Broj: 02-_____/20
Datum, 14.02.2020. godine
Z e n i c a

DOSTAVLJENO:

1x Ministarstvo za rad, socijalnu politiku i izbjeglice,
1x Stručna služba Skupštine,
1x a/a.



ZENIČKO-DOBOJSKI KANTON
VLADA

N/r Sekretara
N/r Premijera

Broj: 09-02-317-1/20
Zenica, 31.01.2020. godine

PREDMET: Mišljenje o poslaničkoj inicijativi poslanice u Skupštini Zeničko-dobojskog kantona Sanje Renić, daje se

Postupajući u skladu sa zaduženjem po aktu Stručne službe Vlade broj: 02-1-02-317-1/20 od 16.01.2020.godine, u vezi dostavljanja mišljenja na poslaničku inicijativu poslanice u Skupštini Zeničko-dobojskog kantona Sanje Renić za uvođenje kategorije samozaposleno lice i postupka izmjene Zakona o radu („Službene novine Federacije BiH”, broj: 26/16 i 89/18), a nakon razmatranja dostavljene inicijative, Ministarstvo za rad, socijalnu politiku i izbjeglice daje sljedeće:

M i š l j e n j e

Predmetnom inicijativom predlaže se uvođenje kategorije „samozaposleno lice” u Zakon o radu, budući da zakonodavstvo na nivou države niti na nivou entiteta i kantona na poznaje kategoriju „samozaposleno lice”. Obrazlažući razloge predmetne inicijative ističe se potreba da se radnicima, koji mogu raditi sami za sebe, omogući da legalno budu dio sistema, da se registruju, ukoliko takva djelatnost dopušta rad od kuće, da se odjave sa Službe za zapošljavanje, te da budu dio legalnog sistema i da državi plaćaju određeni dogovoreni iznos u paušalu, koji će im se priznati u radni staž, te omogućiti da budu osigurani.

Kako se u Inicijativi navodi da apsolutno ne bi bilo potrebno registrovati pravno lice, koje bi obavljalo određenu djelatnost u statusu „samozaposlenog lica”, izvodi se zaključak da je ovaj modalitet radnog angažovanja veoma teško uklopiti u važeći sistem rada u radnom odnosu. Takođe, sistem nedefinisanog radnog vremena pri obavljanju ovakvih poslova stvarao bi mnogobrojne probleme za radnika koji bi bio radno angažovan kao samozaposlen, odnosno takav radni odnos u kojem faktički nema poslodavca predstavlja odstupanje od koncepta Zakona o radu. Ovo naročito i iz razloga što važeće zakonske odredbe Zakona o radu utvrđuju da zasnivanje radnog odnosa započinje zaključivanjem ugovora o radu između radnika i poslodavca.

Prijedlog za uvođenje kategorije samozaposlenog lica se može posmatrati kroz potrebu uređivanja drugog ugovora o radnom angažovanju, koji ne bi bio regulisan radnim zakonodavstvom, jer se radi o fleksibilnom radnom angažovanju, koji nije „standardan”, tj. nije radni odnos sa utvrđenim radnim vremenom. Iako bi takvi ugovori pružali neuporedivo manju sigurnost nego standardni oblici rada (ugovor o radu na neodređeno vrijeme, ugovor o radu na određeno vrijeme, ugovor o radu sa nepunim radnim vremenom i sl.) ipak smatramo da bi u skladu sa potrebama i promjenama na tržištu rada, realizacija Inicijative pod određenim uslovima, možda dovela do veće zaposlenosti. Inicijativa ne sadrži konkretne prijedloge dopuna zakona, nego ukazuje na potrebu uvođenja mogućnosti rješavanja pitanja

zapošljavanja i smanjenja broja nezaposlenih na način zakonskog utvrđivanja statusa „samozaposlenog lica”, što ovo ministarstvo cijeni kao društveno opravdan prijedlog, ali, ovo ministarstvo je stajališta da nisu stečeni uslovi za prihvatanje predložene inicijative.

S poštovanjem,

Dostavljeno:

MINISTRIČA

1x Naslov

1x a/a

Azra Šabanović